



# КОМСОМОЛОНЬ ВАЙГЯЛЬ

ЛИСЕНДИ VIII-де КИЗОСЬ

ВЛКСМ-нь Мордовский  
обкомъ и Саранский  
горкомъ газетасна.

Адрессы: г. Саранск, Советская ул.,  
Дом печати, телефон № 0-90.

ЯНВАРТЬ

1-ЦЕ ШИСТОНЗА  
1940 КИЗОНЯ  
1 (1653) №

Лисенди новти 12-ксть.

## ПАВАЗУ ОД КИЗОТЬ МАРХТА, ЯЛГАТ!

### ЛЕНИНОНЬ—СТАЛИНОНЬ ЗНАМЯСНОН АЛА

Од, тьожань вехкса сятт нилегемонце кизось ушедсь. Минь павазу странаньконь сембе уженьязон эса советский народсь оцю, радостнай мяльса васьфтезе 1940-це кизоть. Страфтома и сомненияфтома ваны советский народсь инголи, сяс мес сон безгранична верондай Ленинонь—Сталинонь партиять тевонцты, сембе мирса коммунизмать окончательнай победанцты.

1939-це кизось ульсь замечательнай кизокс, мзярда советский народсь большевистский партиять центральной комитетонц руководстванц ала сатсь пяк оцю победат. 1939-це кизось кандсь тейнек местнай Совету трудящайнь депутатонь кочкамаса коммунистонь и аф партийнайнь блокть блестящай победанц. 1939-це кизоня минь Якстерь армияньке эсь победнай пациязон лангса кандсь радость и паваз минь братьяньконди Западнай Украинань и Западнай Белоруссиянь трудящайхненди, освободиндамок навек синь польский помещикнень вяры лапаснон алда. 1939-це кизось козякфтозе марксизмань-ленинизмань сокровищницадод теоретический вкладса,— 1939-це кизось знаменитай нянгесянь мархта, што сонь пингстонза начертанай социализмаста коммунизмата постепеннайста йотамань грандиознай программа, конац блестящайста азф ВКП(б)-ть XVIII съездсонза колмоце пятилеткатъ задачанзон колга Молотов ялгать докладонц эса.

1939-це кизось козя и международнай события. Тя кизоня тяфта жа кирдсь замечательнай победа Советский правительствать мирнай политика. Английский и французский империалистне йорасть тргатфтомс германский народть советский народть мархта. Но синь тя попыткасна ашезь удала. Советский Союзть и Германиять йоткса кемокастаф ненападениянь и дружбань договор, конац мархта машффт нят кафта странатнень йоткса военнай нападениянь опасностсь. Тяфта английский и французский империалистический заправилатненди ашезь удала таргамс Советский Союзть империалистический войнань арбитра, конанди фатяф ни Европань и Азиянь миллиардта лама населения.

1939-це кизоня английский и французский буржуазиясь спровоцировал военнай нападения СССР-ть лангс Финляндиять ширде. Синь тя попыткасновок ашезь макс тейст эрявикс польза, Финский народсь аф йорай тюремс Советский Союзть каршес. Сяс сон военнай действитнень ушedomстакни-

ге шарфтозень оружитнень внутренняй врагть каршес и создал эстейнза Народнай правительства, конац тани Якстерь армиять лезксонц вельде аропты финский территориять маннергеймский палачнень эзда.

Наконец 1939-це кизоня Советский Союзть внешняя политика кирдсь нинге фкя замечательнай победа—заключеная взаимопомощень договорхт СССР-ть, Эстониять, Латвиять и Литваь йоткса. Тя мархта обеспеченнай нят йомла странатнень независимостьсна и перяф кись нят странатнень ланга Советский Союзть лангс интервенцияти.

Тяфтапт нюрхкия итокне. Синь корхтайхть сят сатфкснень колга, конатнень сатозень героический советский народсь большевистский партиять и минь вожденьконь Сталин ялгать руководстваснон ала.

Мордовиянь трудящайхне тяфта жа оцю сатфксса васьфтезь од 1940-це кизоть. Саранск ошень хлебокомбинатсь 1940-це кизонь январь-це шинцты кизонь производственной планонц пашкодезе 171 процентс. Декабрь 29-це шинц самс Саранск ошень Махорочнай фабрикась 100 процентс пашкодезе кизонь производственной планонц.

Оцю исторический задачат ашихть странать инголе 1940-це кизоня. Тя ули культурань и народнай хозяйствань сядо товодонь касомань кизокс. Тя ули трудонь производительностть сядо товодонь кеподемань, труддисциплинань кемокамань кизокс.

Советский од ломаттне мирса инь счастливый од ломаттне. Сталинский Конституциять шивалдонц ала, тейст максф и обеспеченнай права трудти, ваймамат и образованияти. Вов мес советский од ломаттне тяшкава радостнайста васьфнесазь 1940-це кизоть. Сон обещает тейст лама счастливый шидо, лама достижения и завоеванияти.

Радостьса и ликованияса странась васьфтезе од 1940-це кизоть. Сиренек-однек весялгаткшихть тя шиня. Од кизоть васенце шистонза сембе странась кучи привет трудящайхнень лучшей другсонды и учительсонды—нароттнень великай вождьсонды Сталин ялгати.

Од кизоть мархта, ялгат! Катк ули сон Ленинонь—Сталинонь партиять знамянц ала од победань и достижениянь, инголи победоноснайста молемань кизокс.

### Якстерь знамясь омбоце группатъ

Темниковский слесарно-токарный школань ученикнень йоткса ульсь обсуждандаф Серго Орджоникидзець лемса Ленинградский судостроительнай заводонь од рабочайхнень обращениясна. Тя обращение обсуждандамста тонафнихне сявондсть обязательстват означеновандамс местнай Совету кочкамань шить отличнайста тонафнемат инкса тюремаса.

Тя обязательствать пашкодеманцты кемоста кярьмодсь омбо-

це группасъ. Тонафнихне вишкптезь эсь йоткост социалистический соревнованиять и кемокастъ договор краснознаменной группатъ мархта.

Ня шитнень ульсь соцдоговорть проверяндамац и якстерь знамясь ульсь максф омбоце группати, конац сатсь тонафнемань тевса цебяръ показателхть.

Горячкин.

Темников ош.



Рисункась Барковъ и Лисевичъ.

(ТАСС-ть фото-клишец).

### ЦЕБЯРЬ ИТОКТ

Махорочнай фабрикань рабочайхне, сувамок Сталинский Колмоце Пятилеткатъ лемс социалистический соревнованияс, эсь лангозост сявондсть почетнай обязательства: 1939 кизонь производственной планть пашкодемс 100 процентс и цебяръ качества. Социалистический соревнованиянь знамять ала рабочайнь коллективсь, эрь рабочайсь эсь лангозонза сявф обязательствать пашкодеманц инкса тюрсть пяк оцю энергияс, виный апак ужальдть. Тя патриотический движениять мархта фатяфт фабрикань сембе рабочайхне.

Производствать процесса трудть цебяръста организовандаманц и трудонь социалистический метотнень вельде рабочайнь коллективсь 1939 кизонь производственной планть декабрь 30-це шинцты пашкодезе 100,2 процентс. Лиякс мярьгомс, фабрикась тя кизоня государствати 185 тьожань ящикъ васте макссь 185370 ящик высококачественнай махорка.

Славнай движениясь фабрикань рабочайхнень йоткста касфтсь производствань аф кржа богатырьхть. Нинге 1938 кизоня фабрикаса стахановецнень лувкссна ашезь 24 ломанцта, а 1939 кизоня синь лувкссна кассь 82 ломань, конат производстваса работакшихть аныцек нормань вельф пашкодезь.

1939 кизонь производственной планть пашкодемаса трудонь замечательнай кепотькст няфнестъ набойнай цехонь омбоце заделкань машинисткатне: Садкова Мариясь, Ваняшина Екатеринась, Сидорова Пелагеясь, Бурнайкина Аннась и лиятне. Синь шинь норматнень пашкоткшнесазь 112—117 процентс. Тяфта жа фалу нормань вельф пашкодезь работакшихть разработочнай цехонь работницатне Филимонова Клавдиясь, Волосович Верась, Цыганова Аннась, Банниковась и лиятне.

Производствань стахановкатне фабрикань сембе рабочайхненди и работницатненди няфнихть цебяръ кепотькст общественной тевсовок. Вов Садкова Мариясь работай РОКК-нь руководителкс, конац работас коря сембе ялганзон сувафтозень санитарнай дружинас, а Банникова ялгась работай парторгокс.

Махорочнай фабрикань рабочайхне тяфтама сатфксса васьфтезь 1940 кизоть—Сталинский Колмоце Пятилеткатъ колмоце кизонц, конань пингста рабочайнь коллективсь нинге сядонга оцю энергияса кармай тюрема государствати 240—250 тьожань ящик махоркань максомать инкса.

Дм. Родин.

Саранск ош.



## Замечательный победат

Саранск ошень Хлебокомбинатонь рабочайнь коллективсь и инженерно-технический персоналсь, вишкоптемок Сталинский Колмоце Пятилеткаты лемс социалистический соревнованиять и стахановский движения, народнай радостень и павазонь од кизоть васьфтезь производственной замечательнай показател мархта. Тя социалистический соревнованить пингста рабочайнь и работницань оцю армия получасть стахановецонь почетнай лем. Кда инголи комбинатса стахановецта ульсь 30 рабочай и 25 рабочай лувондовсь ударниккокс, то тяти, мзярда минь странань народоньке васьфни од кизоть эса, комбинатса стахановецонь и ударниконь армиять лувксонь пяк кассь: Тяти комбинатонь 195 рабочайть эзда 109 рабочай стахановец и 37 ударник.

Комсомолецт Баштаков ялгать бригадац ащи примеркс комбинатонь сембе рабочайхенди. Сонь бригадасонза работайхть вете комсомолецт и ниле аф союзнай од ломатт. Нят юношатне и стирнятне нинге аф пяк кунара нормасон пяхкотькшнесь 140—150 процентс, но тяти синь од кизоть васьфнесазь производственной планть 170—180 процентс пяхкодеманд мархта. Тя ащи замечательнай подаркакс. Сембе вейхксотне тяти стахановец, сембе синь активнай общественникт.

Юматов, Бабин, Лесникова, Смирнова и лии комсомолецне и комсомолкатне васенда производственной нормасон пяхкотькшнесь 130—140 процентс, а тяти эрь сменань нормасон пяхкотькшнесь 110—180 процентс.

Стахановский работать вельде комбинатсь киза квалмонь производственной планонь пяхкодезе 171 процентс. Комбинатонь коллективти 1939 кизось ащи производстваса стахановский работань кизокс. Тятинь пингть мольфтеви оцю творческий работа 1940-це кизонди социалистический договорть сьормадомаса.

Од ломаттне и комбинатонь рабочайхне и инженерно-технический персоналсь, сатомок 1939-це кизоня оцю производственной победат, 1940 кизоня ня сатфкснень кемокстасазь и кармайхть работам стахановецокс родинать благанц инкса.

И. Белов.



Якстерь Армиянь воздушнай снайперхне. СНИМКАСА: Белорусский Особой военной округонь Н-ский частень летчиксь — комсомолец С. Д. Кузьминь, отличнай воздушнай снайперсь, звенань командирсь.



Декабрь 30-це шистонза 14-це № школаса ученикне, ученицатне весяласта йотафтозь елкать.

СНИМКАСА: 5-це классонь ученицась Надя Кузнецовась декламирует. Фотось А. Ивановь.

## Од кизоть мархта, келгома ялгат!

Од кизонь и сембе пингонь монь арьсемане минь славнай комсомолеценьконди: секундань пингста аф юкснемс, што синь — сембе советский од ломаттнень передовой отрядсна.

Передовой отрядонь эрь членць — тя вожак. Сонь лангозонза шарффт эрь советский од ломаттнень взглядоц, кона аноклай улемс комсомолецокс. Кодама оцю ответственность ащи комсомолецт лангса? Сон трудса доблестень кепотькс, браннай паксыя — мужество и геройствань кел-

потькс, тонафнемаса добросовестностень и серьезностень, эрь шинь эряфса честностень кепотькс. Сонь призванияц — улемс советский од ломанти воспитателькс. Тя сонь долгоц минь великай родинаньконь инголе.

Мон йоран поздравить замечательнай од ломаненьконь од кизоть мархта, йоран пожелать тейнза паваз и од сатфкст.

И. Москвин.

СССР-нь Союзонь народнай артистсь, СССР-нь Верховнай Советть депутаток.

## Арьсян паваз и сатфкст

1939-це кизось сувай историй, кода величайшай победань и сатфксонь киза, конатнень одержал минь родинаньке.

Тячи минь васьфнесазь од 1940-це кизоть, конац ули аф сяда аф грандиознакс, сяс мес минь странаньке, конань мархта руководит Сталин, аф содай иля движения, инголи апак лотксек движенияда башка.

Мон радан, што ули возможно-

стеэ поздравить тяти минь странань юношатнень и стирнятнень. Мон йоран арьсемс тейнт паваз и тинь оцю целентень сатомаса успехт.

Уледа упорнайхть работаса и тонафнемаса, честнайхть и преданнайхть родинати. Уледа тяфтамкс, кодамкс тонафтсамазь улемс минь партияньке, минь Сталиноньке.

Д. Левченко.

Советский Союзонь геройсь

## Советский од ломаттненди

Монь од кизонь приветствиязе, цебярь арьсеманень васендакиге шарфнесайне минь родной Якстерь армиянь и Военно-Морской Флотонь героический од ломаненьконди, конат самоотверженна пяхкотькшнесазь финский народть освобожденияц инкса тюремать эса эсь священнай долгснот. И тинь отважнай тевонте, героический подвигоныте ащикть оцю и валда чувствань выражениякс, конатнень воспитал минь од ломаненьконди Ленинонь — Сталинонь великай пар-

тиясна. Мон арьсян, штоба минь юношаньке и стирняньке улельхть советский стргань художникненди вдохновениянь сяда вию и козя источниккокс, и штоба тя вдохновениясь максол искусствань нинге сяда лама и лама произведения, стама жа радостнайхть и яркайхть, кодапт советский од ломаттнень мяльсна, чувствасна и тевсна.

Искусствань заслуженнай деятельсь, РСФСР-нь Верховнай Советть депутаток, композиторсь И. О. Дунаевский.

## Монь сверстниконенди

Ялгат!

Мезе тейнт арьсемс од, нильгемонце кизонди? Мон арьсян сянж жа тейнт, мезе арьсян и эстейне: эсь работасонт, эсь лангсонт эрь шинь работаса сатфкст.

Мон арьсян аф лотксемс сатфкснень лангс, аф пелемс трудностнень эзда, аф эвотькшнемс случайнай неудачатнень пингста. Мон арьсян тейнт минутань пингска аф юкснемс, што минь эздонк каньнайс, улеза сон поэт или механик, моряк или врач, трудендамс родинать благанц, советский народть благанц инкса.

Кись везде панчф тейнекс. Аф пяхкодеви мечтаньке минь аш и не может улемс: минь родинаньке макссесыне тейнекс сембе возможностьнень минь любой мечтаньконь пяхкодемандцы. И везде, кося ба минь афолеме уле, мезе ба афолеме тиенде, тейнекс аф эряви юкснемс сянж колга, што Сталин заботендай минь колганк и верондай тейнекс.

И минь должеттама тейнекс ты маластонь ломанть доверияц оправдандамс.

Сергей Михалков, поэтсь-орденоносець.

## УЧЕНИКНЕНЬ КАЗНЕСНА ОД КИЗОТИ

Сась оцю радостень и павазонь од 1940 кизось. Саранск ошень 6-це № школань ученикне анокласть лама достойнай подаркат павазонь од 1940 кизоти.

Ученикне нинге тонафнема кизоть васень четвертьстонзакиге кемокстась эсь йотковаст социалистический соревнованиянь договорхт отличнай успеваемость и посещаемость сатоманд инкса. Синь эсь лангозост сывф обязательствасон пяхкодезь честь мархта.

6-це классонь ученикне и ученицатне, кода Чертоусовась, Иконниковась, Базарнова Катясь и 7-це классонь ученикне Сулимов, Захватов Петясь, Болотинась, Татковась и Читинась тяддень тонафнема кизоть васень полугодияц аделазь анычек отличнай оценка мархта. Тяде башка ня пионерхне и школьникне вятсть школаса оцю общественной работа. Ламотне синь эздост кемокстафт пионерский организацияса отрядонь и звенань вожатайкс.

Пионерхнень инициативасон вельде тя оцю праздниконь шиня ули путф елка. Национальный костюмса наряжафста йотафтыхть спортивной выступления, морайхть лама идень морхт и ст. тов.

Пионерский организациясь тердезе социалистический соревнованьяс школань комсомольский организациять од кизоть образцовайста васьфтеманд и йотафтоманд инкса.

Пионерский организациясь марса комсомольский организациять мархта тяти, од, кизонь 1-це шиста кучсаз эсь лучшей представителсьон Николаевка велень школав, кося кармайхть йотафтома физкультурнай выступления, морайхть лама морхт, декламируют стихотворения и лият.

Тяде меле пионерхне и комсомолецне молихть коллективна кино. Школоса инь лучшей ученикнень, тонафнемаса отличникнень, школань дирекциясь казсыне питне казнеса.

Ф. Бикеев.

Саранск ош.



СНИМКАСА: Сталинский Колмоце Пятилеткаты лемса социалистический соревнованиянь отличниксь (черноморский флот) Краснофлотець Комсомолец В. И. Цыгановсь.



# 1939 КИЗОНЬ ПАМЯТНАЙ ДАТАТНЕ

## ВЕЛИКАЙ СЧЕТ

Январь 17-це шиц. Ушедсь население Всесоюзной переписи. Счетчиконь пилемиллионной армиясь нюрхкяня пингста йотафтсь оцю работа, конат тяда меле получазь правительствать оцю оценкань. СССР-нь Совнаркомсь объявил переписень работниковенди благодарность.

Населениянь Всесоюзной переписи итогонзон колга СССР-нь государственной плановой комиссией сообщенисонза, коначо опубликовандаф печатсья июнь 2-це шистонза, ульсь няфтьфт замечательнай цифрат.

Январь 17-це шинц самс минь великий родинаньконь населения ульсь 170.467.186 ломань. 1926-це кизонь всеобщай переписи даннайзон коряс кассь сов 23.439.271 ломань, или 15,9 процентс. Така жа пингста сембе капиталистический Европаты населения кассь, примерна 32 миллион ломань, или 8,7 процентс.

Мекольдень переписи итогонза няфтезь минь ошеньконь касомаснон, странаты индустриализацияса СССР-ть оцю сатфксонзон. 12 кизоста, сязомок 1926-це кизонь переписи эзда, ошень населениясь кассь кафтонь крдада ламоксть: кда инголи составлял сембе населения эзда 17,9 процент, то 1939-це кизоня—32,8 процент.

Советский Союзи Западной Украинаты и Западной Белоруссиясь народонь семьясь кассь 183 миллион ломанти модемс.

## Родина и народь верность присягась

Февраль 24-це шиц. Рабоче-Крестьянский Якстерь Армиясь максь присяга великий советский народти, могучай родинань и мирса васенце социалистический госу-дарствать правительстванцы. Тя исторический шиста боецне и командирхне, комиссархне и начальникине, сембе—маршалста сязомок красноармеецти модемс примать военной присяга и кемокстазь сонь священной текстонь эсь подписсон мархта. Якстерь Армиянь эрь воинь надияфтсь „улемс честнай, храброй, дисциплинированной, бдительной боецок“, надияфтсь аралам эсь родинань—СССР-ть—„мужественна, маштозь, достоинства и честь мархта, аф ужальдемок вяронь и сонцень эряфонь врагть лангса полной победать сатомань инкса“.

Февраль 23-це исторический шистонза примать военной присяга Рабоче-Крестьянский Якстерь Армиять главнай военной советонь членок И. В. Сталин ялгась и Оборонань Народнай Комиссарсь, Советский Союзонь маршалсь К. Е. Ворошилов ялгась.

## Ленинонь—Сталинонь великий партия XVIII с'ездо

Март 10-це шиц. Кремлевский оцю дворенса ушедозе эсь исторический работань большевиконь Всесоюзной Коммунистический Партия XVIII с'ездо. ВКП(б)-нь ЦК-ть работань колга отчетнай доклад мархта выступил Сталин ялгась. Сталин ялгась тись анализ партия мархта йотаф кити, гениальной прозорливостьса наметил социалистический строительствати сяда товодонь ки. Трудяйхнень мудрай вождьсна эсь докладсонза няфтезе международнай отношениянень итосконь и перспективаснон. С'ездсь кул-

шондозе Молотов ялгать докладонь СССР-ть народнай хозяйствань развитиянь колмоце пятилетней плантть—Сталинский Колмоце Пятилеткань великий плантть колга и Жданов ялгать ВКП(б)-нь уставса изменениянень колга докладонь, коначо оржаптозе партия организационнай оружиянц.

Март 21-це шиц. Партия XVIII с'ездо аделазе эсь работань. Сонь решениянзон эса ульсь определенайхть партия политический, хозяйственной и организационнай задачанза, советский странаты развитиянь од полосаса, социализмань величественнай зданить строительствань завершени-янь полосаса и коммунистический обществати постепенна йотамань задачанза.

Шитне, мзярда Москуса заседа Ленинонь—Сталинонь партия с'ездо, ульсь Всенароднай од под'емонь шикс, мзярда кемоста кеподсь Сталинский Колмоце Пятилеткаты лемс социалистический соревоаниясь.

## Советский Союзь военно-морской могущество

Июль 24-це шиц. Миллион советский патриот отметили СССР-нь Союзь Военно-Морской Флотонь шинц. Тя ульсь оцю праздник—социализмань странаты Военно-Морской могуществань всенароднай смотра.

Морянень и многоводнай ляйхнень эса ульсь советский боевой караблятнень грозной армадонь величественнай демонстрациясна. Народсь оцю восхищения мархта васьфнезень дредноуттнень и крейсирхнень, вишкста уи миноносценень, подводнай лоткатнень, торпедатнень стремительнай катерснон, морской авиациять. Сон няезе сембе многообразнай боевой техникаты, конань мархта располагает минь странаньке морятнень и океатнень эса эсь рубежонзон араламанзон инкса. Народсь приветствовал славнай краснофлотецнень—кельгома родина и вернай цюранзон.

СССР-нь Военно-Морской Флотсь касы подлинна-большевистский темпса. Подводнай лоткань и торпеднай катерхнень лувксса СССР-сь заньцесы мирса васенце вастть. Советский подводникенди ашихть ичкозе уемань, ведсь ащемань

продолжительностьса, ведть потмос погружениянь скоростьса и продолжительностьса мировой рекорттне. СССР-нь Военно-Морской Флотсь достоин великий советский народти, конань мирнай трудонь сон марса доблестнай Якстерь армиять мархта зоркайстанцы.

## Велеса социализмать победанзон демонстрациясна

Агусть 1-це шиц. Москуса панжевсь Всесоюзнай сельскохозяйственной выставкасы, коначо цебярьста няфтезень колхознай стройть исторический победанзон. Сон няфтезе, што СССР-са созданай мирса инь передовой, инь крупной и механизированай велень хозяйства.

Выставкань участникос ульсь социалистический земледелиянь и животноводствань передовикт: 15.059 колхоз, 11.004 колхознай ферма, 268 машинно-тракторнай станция, 795 совхоз. Выставкань участникне—советский велеть знатнай ломаненза полафтсь эсь опытнон мархта: синь эздост ульсь 155,8 тьожань.

85 шиста выставкаты ванозь 3,5 миллионшка ломань.

Выставкасы ащесь стахановский опытонь школак. Посетительхне знакомондасть аф аныцек павильонца передовикнень работачь образцон мархта, но и кулхондсть велень хозяйствань важнейшай кизефкснень коряс 260 лекция и доклад. Выставка ульсь различнай республикань и областень колхозникнень мархта 87 васадема, 55 беседа научнай и практической темас.

## Советский миронь политикаты победа

Агусть 23-це шиц. Кемокстаф ненападения колга советско-германский договорсь, коначо арась Европаты и сембе мирть историясь поворотнай пунктос. Тя договорсь машфтозе Германиять мархта войнань угрожать, конань оцю усердиясь травсезь Советский Союзть лангс империалистический хищникне. Тя договорсь кирьфтазень Европаса возможнай военной столкновениянень и оказал оцю услуга всеобщай миронь тевти. Сон обеспечил СССР-ть виынзон касомаснонды, сонь по-

зициянзон кемокстамаснонды од возможность, касфтозе СССР-ть влияниянц международнай отношениянень лангс.

„Сяда мельдень событияне кемокстазь, што советско-германский од отношенияне построеннайхть взаимнай интересонь прочнай базаты лангса... Дружбать и СССР-ть и Германиять йоткса границаты колга германо-советский договорсь, коначо кемокстаф сентябрь песта, кемокстазь минь отношенияненьконь Германский госу-дарствать мархта“ (Молотов).

Тя пингста тяфта жа пяк цебярьгодсть СССР-ть отношениянза прибалтийский странатнень мархта. Ульсь кемокстаф взаимопомощень пакт минь соседоньконь—Эстониять, Латвиять и Литва мархта. Нят пактне обеспечидазь СССР-ть и синцень прибалтийский госу-дарстватнень оборонань надежной опораснон, лездсть мирть ванфтомань тевонцы.

Миронь советский политикаты нинге весть подтвердил Литовский республикаты Вильно ошть и Виленский областть максомаснон примерсна.

## Халхын Гол ляйт мала са авантюрат машфтома

Агусть 30-це шиц. Аделафт Халхын Гол ляйт мала са боевой операцияне, конат мольсь лама пинге. Тя шити самс монголо-советский войскане кемоста занязь эсь рубежонзон Монгольский Народнай Республикаты границанзон эзда.

Лама неделянь пингста монголо-советский войскане упорна отбивали самурайхнень попыткаснон сувамс МНР-ть территорияс. Агусть 20-це шистонза монголо-советский частьне йотасть Халхын Гол ляйт эзда восток шири сембе линиянень эзда наступления и омбоце неделаты пингста ульсь машффт противникть основной виынза. Агусть 28-це шистонза веть ульсь машффт вражский войскане илядыкссна.

Враждебнай авантюрась, конань ушедозь Халхын Гол ляйт мала са самурайхне, аделавсь синдейст марнек эсь прянь тапфтомаса.

## Человечество история великая датась

Сентябрь 17-це шиц. Тя шиня доблестнай Рабоче-Крестьянский Якстерь Армиясь, пяшкотькинемок советский народть священной интернациональной миссиянц, йотазе ингольдень польский госу-дарствать границанц, штоба освободить панский ярмоть алда единокровнай братьяньконь—украинецнень и белорусснень. Якстерь армиясь честь и слава мархта пяшкодезе эсь великий задачань.

Западной Украинань и Западной Белоруссиянь населениясь радостна васьфтезь советский боецнень, няемок синь эсост эсь аралайснон помещичье-капиталистический рабстваты эзда. Велень и ошень ульцятне советский частьтнень сувамаснонды наряджакшневсть якстерь флагса, ломаттне шакшнесь эсь праздничнай одежаснон, мольсь народнай ликованиясь. Населениясь фалу максесез лезкс Якстерь армиять польский армиянь белобандитнень илядыкснон машфтомаса, кяшкенди жан-дарматнень и офицерхнень кунце-маса.



79-це № избирательнай округа. СНИМКАСА: 79-це о к р у ж и о й избирательнай комиссия секретарь К. Л. Сидоровась избирательхненди максси бюллететть.

Фотось А. Ивановть

(Полатксоц 4-це страницаса).



## 1939-це КИЗОНЪ ПАМЯТНАЙ ДАТАТНЕ

Аф лама шинь пингста Украинань и Белоруссиянь западной областтень сембе территориясна ульсь ароптф польский войска-тень эзда. Минь боевой трофейнь-ке ня операциятень пашкодемас-нон пингста ульсь 900-та лама орудия и кемонь тьожянда лама пулемет, 300 тьожянда лама винтовка, 150 миллионда лама винтовкань патрон, фкя миллионшка артиллерийский снаряд, колма ся-дошка самолет и ст. тов.

Минь единокровнай братьянь-конди, конат лама кизот ащесть польский помещикнень и капита-листтень гнетсн ала, ушедсь од эряфонь полоса.

### Советонь странатъ знамянд ала

Октябрь 22-це шиц. Ульсь Западной Украинань и Западной Белоруссиянь Народнай собрани-ятненьди кочкамат. Народт мар-хта выдвинутый кандидаттне по-лучаст вайгальхнень оцю пилькс-снон. Западной украинатъ 4.776.275 избирателензон эзда голосовани-са участвовандась 4.433.997, синь эздост 90,93 процент голосован-дасть выставленнай кандидаттнень-никса. Западной Белоруссияса го-лосованиять эса примась участия сембе избирательхнень эзда 96,71 процент. Выставленнай кандидат-тнень никса голосовандась выбор-са участвовандай избирательх-нень эзда 90,67 процент.

Львовса и Белостокса радост-най, праздничнай обстановката йотафтозъ эсь работаснон Западной Украинань и Западной Белорусси-янь Народнай собраниятне. Мил-лион трудящай приветствовандазь Народнай Собранияв эсь избран-никснон-депутатснон, конат про-возгласили Западной Украинатъ и Западной Белоруссиять сембе тер-риториянц лангса советский власть, конат примастъ Декларацият по-мещиконь модатнень конфискаци-яснон, банкатнень и крупной про-мышленность национализацияснон колга.

### Кафта исторический закотт

Ноябрь 1—2-це шинза. СССР-нь Верховнай Советсь эсь внеочередной V сессиясонза удов-летворил Западной Украинань и Западной Белоруссиянь Народнай собраниятнень полномочнай ко-миссияснон ходотайстваснон и примась Советский Социалисти-ческий Республикань Союзть составс Западной Украинатъ и Западной Белоруссиять примамас-нон колга закотт. Западной Ук-раинцась сувась Украинский ССР-ти и Западной Белоруссиясь—Бело-

русский ССР-ти. Ня исторический акттнень мархта СССР-нь Вер-ховнай Советсь удовлетворил Западной Украинань и Западной Белоруссиянь освобожденнай на-роттнень чаянияснон и надежда-снон, конат заявили сембе мирти эсь мяльснон—эрямс и трудендамс Марксонь—Энгельсонь—Ленинонь—Сталинонь великой непобеди-май знамяснон ала.

### СССР-ть мирнай политиканц замечательнай актоц

Декабрь 2-це шиц. Кемокстаф СССР-ть и Финляндский Демок-ратический Республикаты йоткса взаимопомощень и дружбань до-говор. Тя договорсь обеспечил мир и дружба нят кафцьке стра-натнень йоткса. Советский Со-юзсь кеме сотрудничестваса Фин-ляндский Демократический Рес-публикаты мархта решандакшне-сазь Европатъ северо-востоксонза войнань опаснай очагть машфто-мань задачатъ.

Тя договорсь марнек обеспечил мирнай отношениятнень СССР-ть и Финляндиять йоткса, дружест-венна разрешил Финляндиять не-зависимостенц колга и Ленин-градть безопасностенц колга ки-зефкснень, СССР-ть территориянц-счета Финляндияти Карельский райоттнень максомаснон вельде разрешеннай кизефксъ Финляндиять территориянц келептеманц колга.

### Местнай Совету кочкаматне

Декабрь 24-це шиц. Местнай Совету депутатонь кочкаматнень эса коммунистонь и аф партийнайнь Сталинский блоксь одержал од блестящай победат. Советский на-родсь нинге вестъ няфтезе эсь единстванц, Ленинонь—Сталинонь партияти эсь преданностенц. Нят кочкаматнень йотафтомаснон мар-хта аделавсь государственнай оргаттнень перестройкасна Ста-линский Конституциять коряс. Мордовский АССР-нь райоттнень даннайснон коряс трудящайнь депутатонь местнай Советтненьди кочкаматнень эса 515.759 избира-теленъ общей лувксста голосова-нияса примась участия 514.192, или 99,7 процент. Тяфтама жа це-бяръ результат кочкамаса няфтсть иля республикатне и областтне. Кепотьксонди, Киргизский АССР-са 787.868 избирательхнень эзда при-мась участия голосованияса 775.154 ломань или 98,43 процент. Грудящайнь депутатонь Ленин-градский областной Совету кочка-матнень коряс голосованияса при-мась участия сембе избиратель-хнень лувксснон эзда 99,8 процент.



Декабрь 24-це шицонза 16-це № избирательнай участкас цебярста работась идень комнатась.

СНИМКАС: избирателень итне идень комнатасот.

Фотось А. Ивановъ.

## Каникулатнень йотафтсаськ достойнайста

1939-40-це тонафнема кизотъ ва-сень палец а д е л а в с ь. Ян-варть 1-це шистонза школьникне нолдафт каникулас.

Тялонь каникулатнень пингста сембе школатнень, клупнень, ки-нотеатратнень и театратнень эса эрявихть йотафтомс новогодний ёлкат и идень массовой празд-ник; старшай классонь ученик-неньди организовандамс костюми-рованной маскаратт и вечерхт, а октябратненьди—утренникт.

Каникулхнень пингста школань директорхне и заведующайхне школатнень не должетт съолгон-домс, а меклангт, синь эсост нин-ге сядонга цебярста эряви ла-дямс самодеятельнай идень кру-жокнень работаснон.

Штоба каникулатнень пингста итне разумна ваймавольхть, тянк-са синь мархтост эряви организо-вандамс различнай налкхсемат ульцяс: лыжной и конькобежной соревнованият, экскурсият, про-гулкат и военизированной играт. Школьникнень культурнай до-

сугснон организовандамаса оцю-васта должетт занямс внешколь-най учреждениятне—пионеронь куттне, клупне, кинотеатратне и стак тов. Синь эсост эряви орга-низовандамс итненьди интереснай лекцият, беседат, няфнемс идень художественнай самодеятельно-сть и кинокартинат.

Каникулатнень пингста не дол-жен улемс фкявок несчастнай слу-чай. Штоба аф нолдамс синь, итнень, массовой гуляниянь васт-сост эрявихть тиемс противопожар-най мерат и организовандамс ме-дицинский обслуживанияснон. Ит-тнень ватнай костюмса наряжа-маснон и ёлочнай украше-ниянди свечкань приминяндамать ВЛКСМ-нь ЦК-сь категорически запретил.

Нят сембе мероприятиятнень ор-ганизовандамаса инь оцю инициати-ва должетт няфтемс комсомоль-ский организациятне.

И. Астайкин.

Саранск ош.

## Чикина Раять сатфксонза

Саранск ошень 12-це № средней школань ученицась-отличницась пионеркась Чикина Раясь 1937-це кизоня съорматфтсь пионеронь кудть видеса детский техниче-ский станцияса организовандаф-юнай натуралистонь кружку членкс.

Сон пях интересовандакшнесь биологиять и химиять тонафнема-са, и мзярда лувозе „Пионерская правда“ газетаста, што могут при-мамс участия Всесоюзная сельско-хозяйственной выставкаса и пио-нерхневок-школьникневок.

И ушедсь сянди аноклама, ме-зень колга арьсекшнесь. Сон на-метил участка эсьтейнза и видесь тоза „Триумф“ Фасолень акша сорт, кармась тя видеф фасольти применяндакшнема агротехникань сембе правилатнень. И ре-зультатсь ульсь замечательнай. 1937-це к и з о т ь, к д а йо-тафтомс сонь участканц гек-тарс, получась эрь гектарста 33 центнерхт фасоль.

Сась 1938-це кизось. Минь стра-нань юношатнень йоткса ушедсь па-триотический движениясь сянъ инь-са, штоба сатомс Всесоюзная сель-

скохозяйственной выставкаса уча-стиянь почетнай правать. Раясь лу-вонкшнесь газетаста кодама ме-тодса аноклахть выставкав участ-тиянди правать сатомаса иля пи-онерхне и сязондсь пример синь эздост.

Но тя 39 кизотье Раясь шарф-весь оцю забота видеф фасолениц-шири, цебярста якась синь мель-гаст. И аф ваномок засушливай кизотъ лангс, сон эсь участкостон-за получась, кда йотафтомс гек-тарс, средняяста 30,5 центнер эрь гектарста.

1939-це кизоня сатомок ни тя-тевса оцю опыт, сатсь нинге сяда цебяръ показателхть. Эсь участ-кастонза, кда йотафтомс гек-тарс, получась 55 центнер фасоль эрь гектарста.

Чикина пионеркась максь Мор-довский АССР-нь СНК-ть видеса главной выставкочу заявления сянъ колга, штоба сонь кемокста-лезь 1940 кизонди Всесоюзная сельскохозяйственной выставкав участникомс.

Белокурова.

Ответ. редакторъ инкс М. САЙГИН.



СНИМКАС: Саранский районнай Совету депутатсь, —Саранский МТС-ть стар-шай агрономъ Т. А. Сильнова ялгась (кучкаса) беседовандай МТС-нь тракто-ристтень-стахановецнень Н. А. Сорокин, Н. С. Ивешев ялгатнень мархта.

Фотось А. ИВАНОВЪ.